



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2023

TICONDZISO TEKUMAKA

EMAMAKI: 100

Leticondziso tekumaka tinemakhasi la-11.

EMAMAKI: 100

SIGABA A: INDZABA**UMBUTO 1: KUBHALWA KWENDZABA (340–390 emagama.) (50 emamaki)**

CAPHELA: **Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayinikwe sihloko.**
Kwemuukelekile kutsi umhlolwa abhale sihloko nobe inombolo yembuto lawukhetsile.

1.1 *Kute nakunye lesakhona kuphuma nako ...*

LOKUBALULEKILE:

- Umhlolwa kulindzeleke kutsi indzaba ayibhale ngesikhatsi leshambisana naloko lokwentekile.
- Umhlolwa kulindzeleke kutsi abhale ngesehlakalo nobe sigameko lesamehlela wagcina angakaphumi nalutfo.
- Indzaba kungenteka ilandzise/ivete limuva lembhali/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.2 *Simo sekuphila sesintjintjile*

LOKUBALULEKILE:

- Umhlolwa kulindzeleke kutsi abhale ngetintfo letibufakazi bekutsi simo sekuphila sesintjintjile. (Sib. Kungatfolakali kwemsebenti, kusetjentiswa kwetidzakamiva, njll.)
- **Umhlolwa uvumelekile kuyendlalela indzaba yakhe ngaletinye tintfo letintjintjile.**
- Indzaba kungenteka ichaze/ilandzise.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.3 *Ngiyatisola kutsi ngavumelani kuhamba naye.*

LOKUBALULEKILE:

- Umhlolwa kulindzeleke kutsi abhale ngetintfo letimente watisola kutsi wavumelani kuhamba nalowo muntfu.
- Indzaba kungenteka ivete limuva lembhali/ ilandzise/ ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.4 *Likusasa lebantfwana lingaba yinjabulo nobe yinjabhiso kubatali.*

LOKUBALULEKILE:

- Umhlolwa kulindzeleke kutsi abhale ngetintfo letingenta batali bajabule nobe bajabhe ngebantfwana babo.
- Indzaba kungenteka ilandzise/ibe hlangotsilunye/nhlangotsimbili/ichaze.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.5 *Imishini lesjetjentiswa emikhakheni leminyenti inciphisa ematfuba emsebenti.*

LOKUBALULEKILE:

- Umhlolwa kulindzeleke kutsi abhale ngembono wakhe lovumelana nobe lophikisana nalombono lotsi imishini lesjetjentiswa emikhakheni leminyenti inciphisa ematfuba emsebenti.
- Indzaba kungenteka ibe hlangotsilunye/nhlangotsimbili/ichaze/ilandzise.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.6 – Tonkhe tindzaba letiphatselene netifcombe tingatsatsa nobe nguluphi luhlobo
1.8 Iwendzaba: indzaba lelandzisako, lechazako, lehlangotsilunye, lenhlangotsimbili naleveta limuva lembhali.

LOKUBALULEKILE:

- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso.
- **Umhlolwa angabhala ngalokusebaleni nobe ngalokujulile. (Sib. 1.6 Umtsimba, Kudla lokuphakelwa etikolweni, 1.7 Ngasindza emlonyeni wengwenya, 1.8 Kweswelakala kwagezi, Imfundvo ikukhanya kwelikusasa lemuntfu, njll.)**
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

CAPHELA: Kwabiwa kwemamaki: (Bona irubhriki)

SAMBA SESIGABA A: 50

SIGABA B: EMATHEKSTHI EMBHALOMBIKO

UMBUTO 2: IMIBHALOMBIKO (100–120 emagama itheksthi ngayinye) (50 emamaki)

2.1 INCWADZI YEMTSETFO

LOKUCUKETFWE:

Incwadzi yemtsetfo ayifake loku lokulandzelako:

SAKHIWO:

- Inesingeniso, umtimba nesiphetfo.
- Emakheli aba mabili langakafakwa timphawu tekufundza nekubhala. (Lalohlolwako liba sesandleni sekudla, lalobhalelwako liba sesandleni sesencele.)
- Likheli lesibili lifakwa sikhundla salobhalelwako. (Sib. Mphatsisitolo)
- Kweciwu umugca ngembikwesibingelelo.
- Sibingelelo lesihlelekile (Sib. Mnumzane/ Nkhosatana).
- Kweciwu umugca ngembikwesihloko sencwadzi.
- Sihloko salokutawukhulunyuwa ngako (Kudvumisa umpheki ngekudla lokumnandzi lakuphekile.)
- Kweciwu umugca ngembikwesingeniso sencwadzi.
- Singeniso lesetfula loko lokutawucocwa ngako. (Sib. Kudvumisa umpheki ngekupheka kudla lokumnandzi.)
- Kweciwu umugca emva kwaleyu naleyo ndzima.
- Tindzima letinemicondvo lebumbene.
- Kweciwu umugca ngembikwesiphetfo.
- Siphetfo lesisonga loko lebekucocwa ngako emtimbeni wencwadzi.
- Kweciwu umugca ngembikwekuvalelisa.
- Kuvalelisa lokuhambelana nesibingelelo. (Sib. Ngimi lotifobako)
- Kubhalwa ligama nesibongo.

LOKUBALULEKILE:

- Kusetjentiswa irejista lefanele.
- Kucikelewa kusetjentiswa kwelulwimi ngalokujulile.
- Linani lemagenta lalindzelekile licikelelwe.

CAPHELA: Kwabiwa kwemamaki: (Bona irubhriki)

[25]

2.2 SIHLATIYWA

LOKUCUKETFWE:

Sihlatiywa asiphatselane nemcimbi lebewubanjelwe endzaweni yekukhibika ledvumile lesedvute nalapho umhlolwa ahlala khona.

SAKHIWO:

- Singeniso.
- Umtimba.
- Siphetfo.

IMINININGWANE LELINDZELEKILE:

- Sihloko sesihlatiya.
- Indzawo lekubanjelwe kuyo umcimbi.
- Lusuku lwemcimbi.
- Sifinyeto ngaloko lokuhlatiywako.
- Ingzikitsi yalokuhlatiywako.
- Imibono yemhlolwa ngalomcimbi (tincomo).

LOKUBALULEKILE:

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Linani lemagama lalindzelekile licikelelwe.
- **CAPHELA: Kwabiwa kwemamaki: (Bona irubhriki)**

[25]

2.3 INKHULUMOMPHENDVULWANO

SAKHIWO:

Inkhulumomphendvulwano ayifake loku lokulandzelako:

- Singeniso
- Umtimba
- Siphetfo
- Luhlaka (emagama alabakhulumako abhalwa ngasesandleni sesencele bese kufakwa ikhloni, bokhulunyiwe abafakwa. Lokwentekako kubhalwa kubakaki.)
- Kusetjentiswa inkhulumongco.

LOKUBALULEKILE:

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Akube ngumhlolwa nemngani wakhe labakhulumako.
- Akuvele imbangela yekubaleka kwakhe ekhaya.
- Akuvele tizatfu letenta kutsi akabuyele ekhaya angahlali etitaladini.

CAPHELA: Kwabiwa kwemamaki: (Bona irubhriki)

[25]

2.4 INKHULUMOLUHLOLO

SAKHIWO:

Inkhulumoluhlolo ayifake loku lokulandzelako:

- Sihloko. (Iphat selene nani lenkhulumoluhlolo).
- Umtimba wakhiwa ngimibuto yalohlolako. (Sodolobha: longumnumzane Sibonangaye).
- Siphetfo. (Kusongwa kwenkhulumoluhlolo)
- Luhlaka. (Emagama alabakhulumako abhalwa ngasesandleni sesen cele bese kufakwa ikhloni, bokhulunyiwe abafakwa.)
- Lokwentekako kubhalwa kubakaki.
- Kusetjentiswa inkhulumongco.

LOKUBALULEKILE:

- Kusetjentiswa irejista lefanele.
- Kucikelewa kusetjentiswa kwelulwimi ngalokujulile nangalokuhlelekile.
- Akube nguSodolobha nemhlolwa labakhulumako **ngekwaswelakala kwemanti emmangweni wemhlolwa nobe emmangweni losedvute nemhlolwa.**
- Akukhulunywe ngekuswelakala kwemanti lesekutsetse sikhatsi lesidze.
- Umhlolwa akanikwe litfuba lekubuta lafuna kukwati ngaloluhlolo.

CAPHELA: Kwabiwa kwemamaki: (Bona irubhriki)

[25]

2.5 INCWADZI YEBUHLOBO

SAKHIWO:

Incwadzi ayifake loku lokulandzelako:

- Singeniso, umtimba nesiphetfo.
- Likheli linye leliphelele lelingakafakwa timphawu tekubhala nekufundza leliesandleni sekudla.
- Likheli liba nelusuku, inyanga ibhalwe ngeSiswati (Sib. 12 Lweti 2023)
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Mzala/Temafa)
- Kweciwa umugca ngembikwesingeniso.
- Singeniso lesitfula loko lekutawucocwa ngako.
- Kweciwa umugca emva kwaley naley ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loko lobekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. Sib. Ngimi umzala wakho.)
- Sibongo asifakwa.

LOKUBALULEKILE:

- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.
- Incwadzi ayivete umhlolwa asola umzala wakhe ngalesento sekweba mabonakudze wamakhelwane.

CAPHELA: Kwabiwa kwemamaki: (Bona irubhriki)**[25]****2.6 LUHLELO NEMAMINITHI EMHLANGANO****SAKHIWO:****LUHLELO:**

- Umhlolwa uphindze abhale loluhlelo lanikwe lona kusukela esihlokweni.
- Kulindzeleke kutsi agcwalise tikhala ngetihlokvana letihambisana nembuto ngembikwekubhala emaminithi.
- Loluhlelo aluhambisane nemaminithi emhlangano.

EMAMINITHI

- Ahambisana neluhlelo futsi asuselwa kulo.
- Tihlokvana letiseluhlelweni tibuye tivele futsi tilandzelane njengobe tinjalo emaminithini.
- Tincumo letitsetfwe emhlanganweni.
- Kuvalwa kwemhlangano.
- Kusayina kwalobhala nelusuku lasayne ngalo.

LOKUBALULEKILE:

- Kusetjentiswa irejista lefanele.
- Kucikelewa kusetjentiswa kwelulwimi ngalokujulile nangalokuhlelekile.
- Umhlolwa akaphindze abhale luhlelo lwemhlangano lanikwe lona abuye agcwalise netikhala.
- Luhlelo lwemhlangano nemaminithi akuvete tinkinga letibangwa bosidlani emmangweni.

CAPHELA: Kwabiwa kwemamaki: (Bona irubhriki)**[25]**

SAMBA SESIGABA B:	50
SAMBA SAKO KONKHE:	100

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniswe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letishlanu tehlukaniswe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhwo sona asitsintseki ngalokwehlukaniswa kwelizinga lelisetulu ngalokubabatekako nelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLELA (Imphendvulo nemibono) Kuhleleka kwemibono nakulungiselelw kubhala Kucikelewa kwenhloso, tetsamelilwati nesimongcondvo. 30 EMAMAKI	Lizinga lelisetulu ngalokubabatekako	28–30	22–24	16–18	10–12	4–6
		-Imphendvulo lengemalengiso lababateka ngetulu kwalokulindzelekile. -Imibono ivutsive, inekuhlakanipha lokukhombisa kucabanga lokujulile. -Kuhleleka kungemalengiso lababatekako kubumbene nesingeniso, umtimba kanye nesipheto. -Imphendvulo lesecophelwesi lelisetulu ngalokubabatekako. -Imibono ivutsive, iyaheha ihambisana nesihloko ngalokuphelele. -Kuhleleka kusecophelwesi lelisetulu kakhulu, lokumbene nesingeniso, umtimba nesipheto.	-Imphendvulo leyenetusako. -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesipheto ngalokwenetisako.	-Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekumbana.	-Yonkhe imphendvulo iyanhlanhlatsa. -Imibono ihlangahlangene futsi iyadidana ayikacondzi ngco. -Kunekuphindzaphindza lokungevakali. -Akukho kuhleleka nekumbana.	
	Lizinga lelisetulu ngalokungababateki	25–27	19–21	13–15	7–9	0–3
		-Imphendvulo lengemalengiso kodvwa ingenato timphawu tekubabateka. -Imibono ivutsive futsi ihlakaniphile. -Kuhleleka lokungemalengiso kubumbene nesingeniso, umtimba nesipheto. -Imphendvulo lesecophelwesi lelisetulu. -Imibono iyaheha ihambisana nesihloko. -Kuhleleka lokusecophelwesi lelisetulu lokumbene nesingeniso, umtimba nesipheto.	-Imphendvulo leyenetusako kodvwa kuhkona lokungevakali kahle. -Imibono ibumbene iyakholweka. -Kuhkona kuhleleka lokutsite kanye nekumbana nesingeniso, umtimba nesipheto.	-Imphendvulo legcwele kunhlanhlatsa. -Imibono ayihlangani, iyadidana. -Abukho bufakazi bekuhleleka nekumbana.	-Awukho namncane umzamo wekuphendvula ngesihloko. -Yonkhe imphendvulo iyanhlanhlatsa, ayemukeleki. -Akuvakali, kuhlangahlangene.	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo leisetulu	Lokwenetisako	Lokusilele	Lokungaphumeleli
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhoso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelingi (lupelomagama) 15 EMAMAKI	Lizinga leisetulu ngalokubabatekako	14–15 -Umoya, irejista, sitayela nesilulumagama kuhambelana nenhoso tetsamelilwati nesimongcondvo ngemalengiso lababatekako. -Lulwimi lolunekutetsema lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelingi kute. -Kunekuticambela lokungemalengiso lasetulu kakhulu.	11–12 -Umoya, irejista, sitayela nesilulumagama kuhambelana nenhoso tetsamelilwati nesimongcondvo ngelicophelo leisetulu. -Lulwimi lusecophelwesi leisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelingi akasimanyenti. -Kuticambela lokusecophelwensi leisetulu.	8–9 -Umoya, irejista, sitayela nesilulumagama kuhambelana nenhoso tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kweiffula lokushiwo embhalwesi. -Umoya uyenetisa. -Emasu ebugagu belulwimi asetjentisiwe kunotsisa lokucuketfwe.	5–6 -Umoya, irejista, sitayela nesilulumagama akuhambelani nenhoso tetsamelilwati nesimongcondvo. -Kusettentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	0–3 -Lulwimi aluvakali. -Umoya, irejista, sitayela nesilulumagama akuhambelani nakancane nenhoso tetsamelilwati nesimongcondvo. -Silulumagama sincane ngendlela yekutsi lokubhaliwe akulandzeleki.
	Lizinga leisetulu ngalokungababateki	13 -Lulwimi lusetjentiswe ngemalengiso nangalokuveta umoya lokutsatako ngemphumelelo. -Esikhatsini lesinyenti emaphutsa eluhlelo nesipelingi awekho. -Kuticambela kungemalengiso.	10 -Lulwimi lusetjentiswe ngemphumelelo lesecopheweni leisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelingi ambalwa. -Icambeke kahle.	7 -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentisiwe kancane.	4 -Lulwimi lusetjentiswe ngalokungenetisi. -Kusettentiswa kwetinhlobo letehlukene temisho kuncane/kute. -Silulumagama sincane kakhulu.	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumeleli
SAKHIWO		5	4	3	2	0–1
Timphawu tetheksth Kutfutfukiswa kwetindzima nekwakhiwa kwemisho		-Sihloko sitfufukiswe ngemalengiso. -Imininingwane yetfulwe ngemalengiso. -Imisho netindzima kwakheke ngemalengiso lababatekako.	-Imininingwane itfutfukiswe ngalokuhlelekile. -Kunekubumbana. -Imisho netindzima kuhlelekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle. -Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.
5 EMAMAKI						

SIGABA B: EMATHEKSTHI EMIBHALOMBIKO LEMIDZE (25)**IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA [25 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumeleli
LOKUCUKETFWE, KUHLELA NESAKHIWO	13–15	10–12	7–9	4–6	0–3
Imphendvulo nemibono Kuhleka kwemibono nakulungiselelwa kubhal Inhloso, tetsamelilwati, timphawu/timiso, nesimongcondvo.	-Imphendvulo lengemalengiso lababatekako. -Imibono ivutsiwe, inekuhlakanipha lokukhombisa kucabanga lokujulile. -Lwati lolungemalengiso lwetimphawu teluhlobo lwetheksthi lebhalwako. -Umbhalo ucondze ngco. -Lokucuketfwe kunemibono lebumbene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	-Imphendvulo lesecophelweni lelisetulu lekhombisa lwati lolusecophelweni lelisetulu lweluhlobo lwetheksthi lebhalwako. -Umbhalo ucondze ngco awutsemeleti. -Lokucuketfwe kunemibono lebumbene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	-Imphendvulo leyenetisako lekhombisa lwati lweluhlobo lwetheksthi lebhalwako. -Umbhalo awukacondzi ngco ngalokuphele unekutsemeleta lokutsite. -Emaphuzu alokucuketfwe abumbene ngalokwenetisako. -Lemonye imininingwane iyasesekela sihloko. -Sakhiwo siyenetisa kodwva sinemaphutsa latsite.	-Imphendvulo lecatfutako lekhombisa lwati loluncane lweluhlobo lwetheksthi lebhalwako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalandzelwa ngalokufanele. -Kunyenti lokubalulekile lokusilele.	-Imphendvulo ayikhombisi nakancane kuba nelwati lwetimphawu teluhlobo lwetheksthi lebhalwako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leysekela sihloko. -Imitsetfo netimiso tesakhiwo setheksthi letibalulekile atikalandzelwa nakancane.
15 EMAMAKI	9–10	7–8	5–6	3–4	0–2
LULWIMI, SITAYELA NEKUHLUNGWA KWEMAPHUTSA					
Umoya, irejista, sitayela, inhloso, tetsamelilwati nesimongcondvo. Timiso nekusetjentiswa kwelulwimi Kukhetseka kwemagama Timphawu tekufundza nekubhalo nesipelingi.	-Umoya, irejista, sitayela nesilulumagama kuhambelana ngemalengiso nenhloso tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	-Umoya, irejista, sitayela nesilulumagama kuhambelana nenhloso tetsamelilwati nesimongcondvo ngalokwenetisako. -Kunemaphutsa latsite eluhlelo. -Silulumagama lesenetisako. -Emaphutsa akayiphazamisi inshokutsi.	-Umoya, irejista, sitayela nesilulumagama akuhambelani kahle nenhloso tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	-Umoya, irejista, sitayela nesilulumagama akuhambelani nakancane nenhloso tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisan nakancane nenhloso. -Inshokutsi ihlangahlangene kakhulu.
10 EMAMAKI					
KWEHLUKA KWEMAMAKI	22–25	17–20	12–15	7–10	0–5